

九

梅

村

詩

集

九梅村詩集卷八

鐵嶺魏變均公隱甫編

襄平集

丙辰
凌川集附

宛平劉

杞松雲選訂

贈傅味琴明經

味琴名桐一字梧生安徽盱眙人善屬文尤工
詩宗韓李一派著有梧生詩草行年五十猶應
京兆試卒不售大京兆景公愛其詩聘爲幕僚
去年又隨出關因得把臂訂交以詩贈之

廿載風塵兩鬢絲行年五十走天涯江湖落拓貧爲客
琴劍飄蕭富有詩苦恨文章憎命達可憐肝膽有誰知

一從安駐蒲輪後卽聽人間說項斯

頻年橐筆佐荊州翻得相逢海外游垂老杜陵吟出塞
思鄉王粲賦登樓幸彈知遇同心調聊慰英雄末路愁
我亦勞生久飄泊輪君未蕩五湖舟

題王拓園木石生詩話

欲洩不傳秘著書抒定評法教後賢悟論使古人驚心

血幾嘔盡眼光能獨明兩村老詩叟應亦愧平生

時拓園閱

兩村詩話

夜行有感

漸老苦夜行不辨高低路僕前導以燈放腳猶恐誤翻

然羨少年未免傷遲暮從此歎平生何敢稱獨步

謝折園校訂拙集

不惜苦吟力爲余嚴校詩人生重知己友道已兼師一
字必求善大醕尤絕疵夙心久推服低首七年時

贈拓園

平生結詩友第一屬君真年本少於我才尤高過人不
求當世悅能受在官貧落落誰同慨悲歌有鐵民

韓文公祠詩和拓園作

大名垂宇宙千古武鄉祠自世有原道在唐惟退之潮
民當日祀功德至今思展拜臨風久高吟雙鳥詩

題閭山長嘯畫卷爲顛枝作

名山天挺秀必藉名士傳名士天鍾靈必結名山緣吾
友王顛枝別字稱拓園胸本具邱壑筆能生雲煙酒後
向余說嘗登閭山巔峯巒狀奇詭氣象雄萬千浩然發
長嘯聲落天風前山鳴谷應蒼鸞舞鶴盤旋高吐氣如
虹直覺身欲仙憶從與山別至今垂十年時時繞魂夢
懷抱無由宣積久跡恐湮乃託丹青閒我聞說勝游觸
我心悠然曾記客廣甯老友偕甘泉扶筇造絕頂一覽
收幽燕北鎮信不虛紀以詩數篇爾時恨少君孤吟石
棚邊此日復對畫不禁神流連愧非名士流莫齊名山

肩讓君爲孫登舒嘯聞九天遙知後覽者應慕蘇門賢

老鴉哺兒行

老鴉啞啞飛上枝得食往來爭哺兒兒飢但知伏巢喚
老鴉辛苦兒不知兒不知母心慈甯使已忍餓不令兒
頻啼終日拮据不得棲老鴉相見各相語汝哺汝兒飢
不飢但望兒長能學飛敢望兒知返哺時

與拓園夜話

不解慕榮利浩然同性情世人嫉直道吾輩得狂名白
日易遲暮黃河難俟清自應曠懷抱何必向詩鳴

遼陽晤張鈍初

錫

記室

號劒湖湖南善化人

數年不相見千里隔榆關車馬向遼水風塵吹客顏
看君尙黑鬚歎我初斑同是勞生者應嗟世網艱

與鈍初夜訪拓園別話

縱談忘夜漏不覺到雞鳴猶有未盡語更深臨別情殘
燈向人黯缺月下牆明明日長安道無勞念友生

送拓園于役入關

遼陽作吏久情似別鄉關送子遠行役嗟子離故山津
門落日外京國白雲閒分手獨惆悵風塵念早還

謝史香崖

夢蘭

孝廉寄題拙集

樂亭人

平生不相識文字結同心千里贈詩遠兩人知己深關

山寒月夢風雨客燈吟感謝鍾期意聊揮一曲琴

夏日與張鈍初冒雨入千山晚宿龍泉寺

雨氣羃千山雲陰十數里入山雲益深向夕雨未止漸
覺寒生肌衣薄頓如紙路昏不可辨相顧怖心起樹深
暝無人水疾聲在耳磴道滑馬蹄車輪迸石齒過橋
迷所向幸遇道人指叩關詣龍泉燈火磬聲裏老僧解
應客掃榻息行李熾火燎衣溼炊秬供齋美同來勝地
棲慰勞轉心喜松濤雜瀑聲徹夜喧窗几

明日雨猶未霽先覽龍泉勝概得詩二章

晨起理吟筇濛濛雨未霽開窗望前山林壑散雲氣忽

然沒眾峯倏爾墮平地旋起橫山腰變幻頃刻異水石
潤餘妍草木濯新翠龍泉景十六處處饒鮮媚翻笑米
顛翁畫筆尙未至乃歎造物工天然自點綴我方阻游
興忽得此佳致知我遠來倦天欲息勞瘁滿山煙雨奇
特爲游人賜

雨稀聲漸微殘滴尙如霰開門雲壓山荷笠涉禪院過
廊觀瀑泉奔濤怒如箭引流到僧厨供炊香積飯下山

噴漱瓊

山門外卽卧象峯石面刻漱瓊二字大二尺餘泉瀉直衝山麓

出峽飛匹練立

久寒生衣急詣毘盧殿流覽昔人書深刻峭石面

殿後峭壁

上刻吐符應生

徑轉向孤亭震谷濤聲健

衣雲亭四圍皆松又名萬

四字明人書

松亭奇哉蟠石松猶龍潛復見

亭下有松偃卧如龍名曰蟠石龍松下尋藏

經閣碑蝕苔花徧鐘鳴獅子峯吼驚塵夢幻

鐘樓在獅子峯頭名

爲獅子鐘聲

石門謁古佛笑我來游晏

獅子峯南有石門過卽彌勒殿劃然

一長嘯天風散林澗憇開西閣窗坐看煙雲變

游祖越寺觀太極石奇蹟

太極石在寺東岡上道光二年六月二十四日

是夕雷雨大作石忽翻身然石大如屋亦異事也

新晴草木滿崖腥寂寂禪門晝尙局雙塢半藏雲裏白

羣峯都帶雨餘青閑房花落僧枯坐古殿松吟佛笑聽

三字倒書太極石欲將奇蹟問山靈

登無梁觀小憇復穿羅漢洞過老君殿上三十三

天覽觀音洞穿心山玉皇閣諸勝

磬聲響天半度嶺來上
方巍然見道院老觀稱無梁
當門蔭古松黛色參天蒼
奇峯四羅列曲如屏風張
宮闕牡丹邱世界何清涼
風聲吐寶塢雲氣生虛廊
道士揖我笑引我開經堂
階前曬紫芝竈下炊黃粱
夜誦仙經秘朝餐松屑香

山產松花道士收之爲糕

愧我墮塵海名利徒徬徨

行當訪赤松遺世師張良

殊庭坐酣久頓覺身欲仙
出觀探古洞靄靄橫蒼煙
石窟邃且幽洞達殊奇觀
開穴豈神禹鑿空非張騫
扶輿自結構上溯洪荒年
人間暑不到凜凜生陰寒
中塑阿

羅漢藉以名相傳我來乘雲入我去隨雲穿出洞踞虎
豹徑折高低旋巍哉振衣岡千仞難躋攀前謁老聃宮
紫氣騰山閒息勞坐松下漱齒挹流泉昂頭望高頂三
十三層天

天風馭我飛身如羽翼長居然歷階升天亦容人上笑
彼淮南王徒作飛昇想忽逢觀自在度我離塵鞅婆娑
大世界豁然忽開朗右顧穿心山疑擘巨靈掌不見紅
塵飛白雲自來往又逢董仙人

道士
董姓

神氣殊清爽引我

朝玉皇階下但稽顙玉皇咨而言汝本上清黨一念動
情塵謫爾墮塵網現身須猛省名可隸仙榜啖以安期

策賜我修齡享百年飽看山踏屐屐幾緇再拜謝玉皇
一嘯眾山響

題龍泉寺用前韻

四時水氣帶龍腥門對奇峯卧象局亭小淺留斜日紫
閣高虛受眾山青雲無色相隨僧住鐘破塵機使客聽
我欲參禪問諸法笑他古佛寂無靈

登五佛頂贈普庵觀眠雲道士

曲磴盤空上千尋絕頂來山深青靄合洞豁白雲開一
佛忽飛去諸天終未回道入講丹訣行氣養仙才

絕頂
今朕

四佛其一
相傳飛去

南泉庵

庵宇不知處，森森穿樹陰。
泉聲當路急，山色到門深。
草木有仙氣，雲霞生道心。
真人在空谷，時見鶴飛尋。

遊中會寺

已過丁香峪，還登高下岑。
地偏知寺遠，路轉覺山深。
古樹千年壽，閑雲半日陰。
尋行十餘里，何處是禪林。

招提猶未見，先見淨瓶峯。
山靜客稀到，樹深僧忽逢。
雲參天半佛，風落閣前鐘。
坐悟禪機妙，塵懷覺欲慵。

過木魚庵

不聞木魚響，但見木魚庵。
草長徑全沒，樹高天欲參。
道

人不可見塵事豈能諳問長生術山昏起夕嵐

龍泉寺夜坐

龍泉天半落風雨夜深騰說法不聞佛誦經惟有僧鳥啼聲類鬼虎閃目如燈坐久皈禪寂清修愧未能

訪圓通觀

行漸入幽谷言尋道士家鳥聲崖畔樹虎跡澗邊沙日午林泉靜山深石徑斜憩來藉草坐已覺好雲霞

不識圓通觀翻從羽客探樹陰開石井山勢護茅庵仙法鳥能說道心猿共參燒丹有真訣應是得淮南

從吳道士訪慈祥觀

數里度高嶺下尋荒徑微泉聲穿峽落雲影跨山飛清
散樹間磬寂開岩下扉仙源相引入幸遇道人歸

贈吳道士

道士河間秀才中年出家
自號慈祥道人年六十七

先生遁空谷名利謝紅塵不說長生法能修無病身穿
山如野鶴煮石學仙人自寫黃庭誦焚香朝玉真

朝陽宮

薜蘿尋古徑轉入好山青碧瓦起宮殿

修工甫竣

白雲生戶

庭守壇知虎善拜斗信仙靈方外殊無事間看道德經

五龍宮

羣山相合抱不見五龍宮那識隨峯轉居然有徑通殿

高晴倚日谷遼靜無風幾箇餐霞客長年此養空

遊洪谷庵贈周道士三十韻

游徧五龍宮紆行入洪谷山深不見人蔚然雜雲木盤
崖數里長不記峯幾曲路轉出叢林殿閣在巖腹下山
復登山漸近忽迷矚羣峯互抱青萬樹疊攢綠鶴飛天
寥寥虎嘯山肅肅豁然見道宮金碧燦奪目鳩工未告
成折地尙修築劈山陡起階補欄平如陸茅庵改荒陋
莊嚴非舊樸棟宇生光輝照耀滿林麓中有一道士相
逢驚不俗展問各殷勤乃是同邦族道士鐵嶺人少年隸黃
冠逃世慕清福不必訪羅浮隱此卽王屋學道師葛洪

游仙笑郭璞持齋不茹葷服氣能辟穀鍊金丹鼎開焚
香黃庭讀時采商山芝還餐鄜泉菊說經坐瓊房悟道
登玉局塵事了不關笑暇問樵牧餉我青精飯飲我壽
光醪王瓊桃正繁董奉杏初熟嚼同交梨香食如火棗
肉飽充煙火腸或登長生籙中原多風塵吞聲不勝哭
愧我呈塵網理亂驚轆轤羨君方外人養真隱高躅何
年遁此身上山來抱犢

與張鈍初夜宿龍泉西閣

夜色隱高閣同來雲外棲草喧知虎過樹暝有禽啼佛
殿梵聲寂僧房燈火低游仙清夢穩空際聽天雞

過西映宮

西行經道院高更出龍泉山蝶大如燕樵童頑亦仙鳥
啼花影外雲起磬聲邊攜得雙筇屐隨風過翠巔

遊香巖寺二首

迂行二十里經過石橋村寺遠不知路峯迴忽到門樹
排僧院密山對佛堂尊聞說仙臺頂棋枰今尙存

寺後一峯

爲仙人臺千山最高處相傳有仙人棋枰

日午鳥聲寂聞禪坐石牀一松陰覆院

院內一松枝幹橫撐陰覆滿院

名曰傘蓋孤墻影偎牆殿掃天花落厨炊僧飯香雪庵有遺

塚法水尙清涼

寺西有元雪庵和尚墓名雪庵塔塔頂兩白相合中有水冬夏不竭

東極宮

雙峽通幽境中開物外天人迎水聲入路向樹陰穿帶
雨種山菜披雲耕石田道人隱窮谷應忘出家年

度南泉庵大嶺

萬丈起重嶺攀如升木狻白雲爭路險飛鳥避人高笠
側日邊影松吹天半濤何須吟謝句自誦亦殊豪

白雲山探冷洞

在中會寺西南二里許卽鳳朝觀也

滿身寒起栗忽入洞天幽萬古不知暑四時常有秋松
高晴日淡山靜冷雲留疑是神仙窟丹成何處求

西閣曉起

曉鐘聲不散四面眾峯迴巖閣客初起山門僧未開煙
光逐鳥去嵐翠撲人來挹爽支窗坐蕭然世念灰

遊大安寺先探觀音洞羅漢洞始至寺中小憩

遊山不知倦日日勞筇屐名勝次第探更訪禪林僻聞
說大安佳龍泉非其敵盛夏苦炎熱登臨不自惜夾道
樹交陰依山雲幻色一徑懸危崖盤上三千尺兀突見
古洞寂訝無人跡中有老僧居煙霞卧瑤席終年不出
山參禪隱石室幽花深閉門古苔翠滿壁雲來洞口昏
月出洞天白鳥啼報梵晨虎歸守禪夕大似鬼谷居遠
與人世隔到此悔浮生誤作紅塵客

前日游無梁曾穿羅漢洞今日訪大安有洞相伯仲老
僧指遙示山風恰吹送峯回路轉通洞門闢如甕置身
入巖腹學蟻穿竇空似屋穴以窗非厦擎無棟雲液凝
不乾石乳滴猶凍旁窺日有光上視天無縫凡僧不敢
居讓與羅漢眾石氣逼毛髮陰森令人恐乃歎造物奇
妙手神工弄故意使雷同生面開不用彷彿古桃源天
台武陵共勝地稱同名寰宇難該綜偶然屐齒臨如經
游目縱

珠林隱不見雲外聞疎鐘誰知梵王殿高更依蒼穹巍
然據上方氣象何龍從左豎碧桃山右聳金剛峯通明

透斜照怪嶂還玲瓏

寺右有通明山有孔可透天光

中峯兩翼分列翠

開屏風當門豁遠眺萬朶青芙蓉攬之不能盡但覺煙

濛濛精舍老瞿曇古貌澄雙瞳飛錫萬餘里對客談游

蹤踏殘峨嵋雪聽徧終南松

山僧空月曾歷川蜀徧游終南

愧我眼界

狹足不出窻東偶然歷邱壑便覺誇豪雄何當跨鶴遊

岱華恆衡嵩

過龍阜嶺

崎嶇下龍阜四顧亂峯環岩谷曠無樹寺門孤向山澹

煙村舍遠流水石橋閑古道稀人跡長驅車馬還

寄懷常職卿

悔向侯門彈鋏歌生涯冉冉付蹉跎友當久別夢常見
人到中年情更多未得雲山陪蠟屐那能風雨共煙蓑
兩家桃葉無消息徒自傷懷喚奈何

遼陽留別張鈍初

忽作異鄉別臨行淚滿巾雪泥三月爪金石兩人心客
路共知苦雲山徒說深後期終有日難免夢相尋

遼陽道上

古道車馬稀寂無行人語夕陽照平田秋色在禾黍

歸家

妻孥具雞黍款我竟如賓偶喜初歸客聊酬遠別人田

園隨意問僮僕覺情親先坐呼孫抱翻忘浣旅塵

九日與姜紫垣

海藩

友人登龍首感賦

十年客裏度重陽孤負登高在故鄉今日又登龍首路
故人都改少年場依然城郭寒煙紫猶是河山落照黃
幸有老僧還健在相逢感慨說滄桑

凌川集

是年秋赴錦縣

曉發別故園

雞鳴辭故里車馬又長征曉月向人落秋風吹草鳴田
園倚妻子道路寄吾生不爲家貧累誰甘離別情

出省城道中作

秋風正蕭索驅馬向徒河積雨官橋斷荒田野徑多辭
鄉人北望出塞雁南過遠道同離別勞生奈老何

途次巨流河城子

山迴孤城隱天空大野寬秋風官渡疾斜日驛亭寒馬
怯荒沙路人愁旅店餐自嗟似行役塵土滿衣冠

過閭陽驛

舊隸乾州是奉陵前朝置驛達東溟

按通志遼置奉陵縣隸乾州卽漢之

無慮縣金改閭陽縣明始廢縣置驛

三秋雲物連城白萬戶炊煙市地青

村市漸聞人語集郵程初喜馬蹄經醫閭山色猶如畫

不見當年傅凱亭

凱亭名霽善畫閭陽驛人

抵錦縣

平曠山開嶂蒼茫海息波城低先見塔郭近又通河估
舶千帆集人煙萬竈多卽聞風俗美比戶有絃歌

紀事二首

楚北妖氛熾江南賊騎屯朝廷憂外患戎馬拒中原

時河南捻匪未平輸餉民皆困籌捐計已煩頻年況災異何以

慰黎元

直省被蝗旱水災處六十七州縣山東河南江蘇浙江安徽等省亦均被災見邸抄又山陝被

災奉天金州地震福建廣東米價昂貴河南光州地方斗米千錢水一斤八文見邸抄

軍書常報捷終未見休兵何日平妖孽長年解戰征乾

坤應悔禍草莽愧偷生安得請纓去擒王獻聖明

感事

宇內煙塵擾頻年事遠征官貧愁助餉民苦厭聞兵尙
賴朝廷福猶安渤海氓那堪經戰死鬼哭石頭城

冬暖

不見冰寒滴水成又交長至覺陽生一冬無雪如春暖
連夜多陰到曉晴作字何須呵筆凍出門猶厭著裘輕
近年節氣潛移換天道溫和漸北行

夜行

自錦州歸
道途多盜

中夜起夙駕前途避盜行一天寒有月四野悄無聲況
復輕車速兼之凍道平函關已偷度不敢待雞鳴

和蕉園除夕見贈原韻

百年須唱放歌行一瞬光陰石火明歲月不容雙短鬢
乾坤徒老兩狂生同操古調人誰識漫說窮愁酒共傾
燒燭迎神過夜半又聽雞報隔埽聲

丁巳

錦州喜晤張劍湖

隔歲若相憶征車引領望忽逢在錦水猶記別遼陽君
自覓升斗我還謀稻梁升沉不同趣雙鵠各分翔

與劍湖夜話知欲就官賦詩勗之

烽火燭天地浩歌行路難 朝廷勤討賊吾輩慎爲官

應念庶氓困莫憂妻子寒勉旃効微職幸勿負彈冠

拓園海運差竣回奉喜晤於錦州

遼東去年別今又遇遼西此會出人意春風吹馬蹄日
辭京國遠雲謝海門低再說飛鴻爪凌川有雪泥

贈劍湖

客館慰岑寂賴君時往還相依猶骨肉忘卻別家山軒
冕風塵裏軍書戎馬間惟余與吾子尙得一身閑

喜甘泉出關見訪

暮年情累重未忍棄田園道遠苦奔走家貧戀子孫偶
因思舊雨又復出關門相對聯牀話風塵健幸存

夏日同甘泉劍湖游城北二郎洞

遙望二郎山平平無奇異及行入巖谷漸覺有佳致怪
石猶變青雜木森交翠磴道盤愈高憩選藤陰庇曲折
御飛雲始達上方寺山門向東敞道院殊清閤臨壑繚
短垣俯窺心尙悸閑房軒洞開兩望豁胸次凌川走曠
野錦城伏平地縹緲十三峯滄海收觀逸興發豪越登
覽任縱恣難問創修年古碑缺無字遐想開闢後遊人
安可記茫茫大數中應有我輩至齊聲呼山靈欲與交
把臂

山腹鑿成空疑假巨靈手忽開一洞天儼入神仙藪彌

勒雜碧霞位置殊否否豈其成大道不分男與婦昂頭

朝玉皇攀向仙梯走玉皇顧我笑喜我離塵垢再拜前

致詞殷問二郎某指我上天梯助我風生肘

由玉皇殿登二郎洞

再扳一梯乃得至

驀然兩相遇室狹僅如斗石壁一徑穿如甕

側其口

由二郎洞至觀音洞石壁穿一徑如甕高十餘級僅容身而上

高許雙足升窄

僅一身受豁然見觀音出甕但稽首度脫來上方吾輩

菩提偶南開一線天

觀音洞濶僅方丈許四無門戶南關一漏名一線天

世界空

何有海內多風塵鼎沸論戰守眾生踏兵戈危如魚在

笥何如逃世網皈依慈悲母破劫出紅塵共享煙霞壽

送劒湖之官江蘇

宦游如作客萬里走天涯兄弟各南北

其兄官直隸

江淮多

亂離雲分遼海路鄉隔洞庭湄一去姑蘇遠何年慰後期

劍湖臨別再贈

相交六七年一別數千里將看吳門山辭飲遼東水丈夫事四方破浪乘風始吾弟正年少前途知未已惟我慘不樂未忍別吾子不愁會面稀所恨道匪邇君在天一涯遺我盼雙鯉勿以遠日疎而忘舊知己海內靖風塵便圖遠游矣南登姑蘇臺江山寓目裏他年一相逢當非尋常喜後數終茫茫安能定行止今日一分袂夫

豈偶然比離愁千萬言說不盡歔歔又贈一篇詩涕淚
落滿紙請君永收藏知我心如此

贈甘泉

人生聚會緣不論千百里數別數相逢惟我與吾子前
年客間山今年游錦水曩昔一分袂奄忽四年矣尺書
寄相招跋涉離桑梓握手一良覲恍惚疑夢裏益歎衰
頭顱尙能健步履雙瞳轉無力細書不可視夜眠卧屈
足晨起坐叩齒攬鏡窺鬚眉老醜頗自恥精神亦倦勤
殊非昔年比惟嗜吟與書狂興尙如此佞佛仍在心作
畫乃用指力學與年進俗眼非知已故交說當年感歎

良不已貴盛復凋零老壯半生死惟我尙健在論交與
終始君年五十八兩孫娛目喜我年四十六含飴亦復
爾兩家孫長成各自課經史并蜚賢達聲殷然望後起
藉此慰中懷以樂晚年耳

九梅村詩集卷九

鐵嶺魏變均公隱甫編

退閒集

丁巳至己未
塞上編附

宛平劉 杞松雲選訂

聞蛩

哀音動天地足令一時驚能破夜長寂遂教秋有聲苦
吟殊眾籟獨感本多情知爾蕭騷意良因不得平

故園秋夜

山居秋氣早露下亂蟲鳴天迴碧雲淨村幽涼月明頗
娛今夕意因遂故園情念昔多良夜蹉跎客半生

寄常職卿

時客游
昌圖

世路滿荆棘胡爲出塞行
田園別經歲妻子計歸程
烽火銷何日儒冠老此生
閉門共高卧千里兩心盟

與任香海游迎水寺

蘭若坐岩腹兩峯開翠屏
門迎流水白窗受遠山青
飛

錫高僧往

純真禪師
焚修於此

傳燈古佛靈不知何代建
苔草沒

碑銘

仙人去不返空巖煉魔臺
坐處有頑石至今餘古苔
泉聲穿樹出雲氣拂山來
薄暮聞疎磬塵醒又一回

九日任丈招飲

故人置萸酒招我過重陽
念此歸田日登高又故鄉
秋

風吹髮白落木滿山黃同感年華速追歡且盡觴

送傅味琴歸皖省親

風塵謝遼海書劍入榆關白髮老親在淮南思故山亂
離鄉國靖烽火道途艱負米歸無恙高堂慰笑顏

戊午

正月十六日夜作

昨宵風勢大吹滅上元燈今夕雪初霽月寒光倍澄爐
溫還續炭茶冷欲成冰病過新年起家人喜色增

與任香海吳仲培重游青雲朝陽洞

昔年涉筇屐此地兩題詩今日又登眺青山非舊時薛

蘿蟠壞磴風雨毀荒祠廢院無僧住山神自護持
殿僻松濤響山空草木長野雲留古洞劫火燬禪房盡
日鐘魚寂終年狐鬼藏那知塵世外佛土有興亡

遊龍泉寺禮純真禪師遺像

寺在開原馬家寨

徑從山口入四面抱奇峯寺古疑無佛潭深或有龍鳥
啼雲際樹僧打雨餘鐘磬拜罷曇像參禪儼若逢

九月得常職卿書卻寄

故人能憶我千里寄來書九月正飛雪邊風吹敝廬田
園雙鬢老杯酒兩年疎多感殷勤意迢迢問起居
去年寄書札猶謂滯邊門不料到寒塞已聞歸故園鱗

鴻斷遼海烽燧隔中原

時大兵駐戌山海關

從此無消息相思每

愴魂

喜晤奎文漁弟子吟此示之

八年濶離別來往但雙魚念爾在京國長貧不易居已

聞出關早未敢省親疎

往謁湘湄岫岩

猶復思余甚先煩遠致

書

一晤況非易悲歡各止顏舊容驚汝瘦短髮說余斑問

字燈前雨看雲海上山每懷及疇昔總覺此心關

汝來岫岩日汝叔挂冠時望爾得官早無須迎養遲余

方遁空谷不與世人知惟子前途遠行當努力爲

時補官直隸

書感

戎馬未蹂躪民生已不堪盜強兵轉怯官懦吏尤貪近
世遭離亂荒年有苦甘傷心杜陵叟不獨哭江南

睡起

睡起發幽興浩然獨往時入山尋水出坐石看雲移野
鳥有閑意巖花含古姿寥寥靜相對得趣卽成詩

村居漫興

微雨過村巷新晴覺日長雞啼林下午鴨曬水邊陽瓜
蔓引登架豆花開上牆門前一株柳坐愛綠陰涼

聞蛩

寒蛩向人語說不盡秋心終夜殊未已到明還苦吟一時少同調萬籟此孤音我是相知者聽來愁共深

山居卽事

昨夜新霜點翠微淺深紅葉映晴暉老妻亦解看山好坐展秋窗帶補衣

暮秋懷蕉園

鴻鴈已南度北風吹華關斷雲漏斜照落葉下空山天末故人去門前秋草閒預謀一樽酒何日慰離顏

看花樓弔甯遠伯

勲業動遼海將軍存故樓山餘前代色地是昔人游荒

方木言集卷之六
草綠猶古殘花開自秋英雄去已矣煙月滿園愁

味琴自皖出關相晤賦贈

皖江四千里來往冒風塵故國住多日高堂戀老親出
關驚歲晚負米念家貧鄉土又聞變天涯更愴神

時皖省
告警

塞上編 己未

閑居已久又應書記之聘赴昌圖口號

重理舊書劍辭家出塞游盜多行客懼民悍長官愁淡
日照邊牘荒雲沈戍樓地殊風景異詎可久淹留

出塞吟

將入榆城路平岡起伏寬地連沙磧濶天出塞門寒社

長時擒賊邊民亦畏官琵琶慚再抱有曲向誰彈

昌圖署中寄田馨樓

映桂記室

世道已如此早知行路難無如三聘累轉念一家寒垂
老游邊微謀生向達官魯連不能隱終竟愧田單

捕盜

綠林搜不盡羣盜尙縱橫執政嚴持法將軍屢遣兵伏
巢猶嘯聚當道敢公行急捕除民害無爲縱患成

寄王拓園

未見意無盡相逢詞轉窮乍驚多病瘦疑爲苦吟工君

作梁園客

時佐幕京兆

余爲塞上翁索居各南北兩地寸心

同

塞上晚眺

臨風立平曠極目何寥然荒磧落殘照邊村生暮煙鵬
寒盤大野樹遠入遙天時見胡兒獵歸鞍帶雉還

孔雀歎

余在昌圖見有以孔雀爲戲博利者觀者如堵
余亦往焉因作此歎

孔雀復孔雀令人生噓噓文采彰其身殊與凡禽異紫
鸞固其儔丹鳳本同類胡不東南飛乃爲弋者致教以
開翠屏絢采作游戲世人固罕覩爾博微利鴻飛入

杳冥鵠舉奮六翅網羅不得施
鰐繳亦不至今爾在樊籠
豈無高騫志孔雀復孔雀爾爲文章累

九梅村詩集卷十

鐵嶺魏燮均公隱甫編

躬耕集

庚申至
甲子

宛平劉 杞松雲選訂

新歲感吟

歲月去何速青春難再尋
年來詩少進老至病多侵
四體有衰意滿懷猶壯心
桑榆晚景逼更惜此光陰

漫興

鎮日不出戶如忘新歲移
性慵愁見客心靜喜吟詩
每語少年事翻傷遲暮時
娛懷別無樂惟解弄孫嬉

刪詩

劣如不才子終教不成人初得意猶適久看心轉曠良
金混沙礫瑤草雜荆榛非假苛求力終慚造詣純

自刪仍未信還擬待人看早識貪多誤猶嫌割愛難良
醫能去疾大道本還丹彷彿勤求治朝廷退冗官

懷王拓園

西山鸞鶴久離羣每抱牙琴便憶君得句未安煩友定
論詩獨創駭人聞官卑竟似蒙莊達才大應從子建分
知道年來尤善病可憐憔悴沈休文

感時

四海紛紛鼎沸波臨風涕淚發悲歌羽書徒報官軍捷

金鼓猶聞戰鬼多，賴有老臣安社稷。不容羣盜據山河，
妖氛未滅英雄死。翹首東南喚奈何，謂向忠武公

紅羊劫慘夢魂驚。戎馬頻遭半死生，殺盡人民餘廢里。
屠殘雞犬賸空城。沙蟲未化甘降賊，風鶴相聞早避兵。
楚水邗江成血海，傷心不獨是南京。武昌揚州俱三經失守

柴河道中

不放馬行去，亂山青。忽圍路從峯轉，出雲向樹交飛。
一水曲頻渡數家居，更稀自諳石田利。常服薜蘿衣。

過龍潭寺

寺在柴河溝之龍灣山相傳潭內有水怪，今已涸矣。

平岡見蘭若，寒籟響松風。僧掩寺門寂，龍歸潭水空。廢

城聞犬吠古道有車通未許停驂謁前山落照紅

山前有蓋

蘇文所築一面城今成村落矣

山村早行

曉行覺寒逼東去向朝暉隔水路雙出繞人山四圍雞鳴村社近鴈起野田飛知有晨炊熟新煙颺破扉

黃旗寨道上作

山行忘遠近走馬去閒閒古道水流斷小村籬落環開田到山頂種樹傍河灣疑有無懷氏相逢太古間

懿路北山古寺

懿路卽古之挹婁縣也

一帶岡陵北郭橫神祠獨在石樓傾殘碑細認前朝字

遺老猶傳古地名
牆外雲山餘落照
窗中煙火見孤城
洞深自昔無人問
且祝慈航救衆生

觀音閣下有古洞

雨夜不寐

一城鐘鼓夜迢迢
連日秋陰黯不銷
厯亂雞聲殘夢斷
五更風雨正瀟瀟

九日登邑城南樓有感

無風無雨度重陽
獨上高樓意暗傷
大地人煙連塞白
衆山秋色入城黃
賊氛亂擾中原路
夷寇爭通外國航

時英夷爲請通商入寇

烽火不知何日靖
憑欄凝眺涕蒼茫

對酒書懷

拔劍自起舞酒酣豪更斟勤王萬夫事殺賊一生心喪
亂豈無極蕩平終可尋英雄在草莽長歎守園林

哭王拓園明府

相違纔半載正想晤君顏不料到瀋水忽聞歸道山命
知懸病久心切痛緣慳此別成千古徒令兩淚潛

自絕高堂奉三年心獨傷

戊午太夫人謝世

無官貧更達到死

病猶狂弱息僅遺女全家惟有孀

太姨夫人暨弟婦與君夫人

翻增

故人累揮涕爲營喪

松雲明府總理喪葬

昔年結吟社情比雁行親閱世得知已能詩無此人著

書當益富好古每忘貧今日河山邈追思倍愴神

海上從軍苦遭逢良可哀風流頓謝世造物不憐才身
偶宰官現心教壯士灰未能圖殺賊含憤赴泉臺

乙未從大

京兆海
口防堵

鍾期既下世俞子絕揮琴流水高山曲無人解此音古
人重知己千載有同心余亦焚詩筆從茲淚滿襟

慈清寺夜宿

清月入岩寺小松疎有陰客吟禪榻靜僧語夜廊深燈
火佛前滅鐘聲山外沈高眠結幽夢會與遠公尋

辛酉

元日口占

一冬窮不死又活到新年如草有生意春風吹更鮮仍
餘沽酒債不惜看花錢得樂且行樂低昂只聽天

世道不可問何須知姓名林泉養吾拙耕稼了餘生痛
哭已無策佯狂空復情逢人說鄉語不敢問 神京

贈蕉園卽用其過山齋題壁韻

乾坤多難日到處結爲鄰風不馬牛及情同猿鶴親烽
煙滄海暝草木故山春十載長離別應多念遠人

病目

已覺雙瞳老秋毫察不清迎風忽下淚向日轉羞明作
字臨池大看花似霧生世衰念馮信無病亦青盲

五十初度自述十首

百年三萬六千日如許光陰過半時難挽芳辰三月景
倏逢花甲十年期身家未起文章拙名利無成鬢髮絲
太息浮生渾若夢不堪回首歷追思

曾記髫齡家素封身經少壯已奇窮書藏先世厨猶在
米到荒年甌亦空幸有糟糠操白婦更無裋褐應門僮
門庭衰謝親朋少冷落書生白屋中

四壁蕭條百畝稀愁看日夜老親悲讀書枉自期名達
煮字何堪救歲飢兒女長成婚竝嫁弟兄艱食爨分炊
爲謀負米承歡計一片青氈到處隨

三十年來家四遷罄囊曾費買山錢向陽營就三間屋
繞麓耕開二頃田本爲養親娛歲月也因避俗擇林泉
樹風疊使皋魚痛新種松楸已滿阡

咸豐元年先妣見背四年先君又謝

世卜新兆於南山之陞

硯田終不濟窮愁翻學元瑜作幕游半世功名銷傀儡
十年賓客老諸侯識來人物搜遼海看徧雲山到錦州
爲戀故園歸計決賸將詩句一囊收

一邱一壑稱幽居小隱風流謝幼輿荒圃有花連樹種
石田經雨帶雲鋤頗知妻儉能藏酒翻悔兒痴悞買書
生就膏肓在泉石肯將蘿薜換簪裾

元龍意氣已銷磨惟解人生對酒歌好客相逢豪俠少
窮途偏仗友生多喜談狐鬼編荒史厭聽文章論甲科
老子興來猶不淺每思狂嘯在煙蘿

余著有荒
史紀聞

平居不敢數生辰少壯心懷老大身行路自知筋力減
愛花猶是性情真已看後輩多高第漸覺當時少故人
賸我靈光還健在天教兩眼閱風塵

四海紛紛事戰征閉門高卧不聞兵士逢亂世名心淡
人在微時物望輕學劍少曾慙項籍著書窮更似虞卿
未能披髮深山去猶愧當年向子平

此身只合老煙霞不管春秋幾歲華詩裏且尋閑事業

九梅村詩集

卷十

六

酒邊時作快生涯
漸看脫帽頭如雪
已覺抄書眼似花
願養餘年聽造物
何須勾漏覓丹沙

贈甘泉

閱盡滄桑鬢雪侵
無端離合到如今
炎涼世態窮方見
貧賤交情老更深
我輩幾人能白首
世間俗子重黃金
要知車笠高風渺
把臂相期快入林

新晴書事

山鳥正羣噪
見人驚更飛
爭隨集別樹
還語向晴暉
柳絮白初落
菜花黃未稀
連朝苦陰雨
頗慮老農饑

卽事書感

日月闇無色煙塵蒙九州兵戈久未息天地亦生愁誰
脫芸生劫無勞聖主憂憫人飢溺意還向彼蒼求

村居自遣

晚年逢亂世遁跡不居城僻處此巖谷無人知姓名養
豚留歲祭買犢向春耕不聽干戈事猶疑是太平

今年多雨水孟夏氣猶涼野草怒齊發田苗災更荒窮
居難乞貸艱食半無糧況乃妨農事安尋辟穀方

孤村不畏盜寥落盡貧家幸賴野人樸全非豪士華妻

孥操井臼僮僕課桑麻自免多財禍相安避世譁

時賊擾村

屯富民被
害者甚眾

終不廢吟咏此情空自知既經喪亂世始愛少陵詩踪
跡農夫溷行藏婦子疑縱逢求士典莫令識王龜

老樹

老樹生井上春來先發滋繁陰覆滿地餘潤到枯枝歲
月遞寒暑園林經盛衰幸因構散質保此百年期

千山無梁觀十詠和慈祥道人作

太極石

先天太極圖渾淪何處覓忽落此山中蒼然化一石

振衣岡

巍哉千仞岡振衣礙星宿撲去輭紅塵白雲在襟袖

聚仙臺

十洲三島仙汗漫遊冥邈同跨鸞鶴來坐聽鈞天樂

芙蓉峯

七十二芙蓉分來第一峯最宜初日照晴翠疊千重

無根石

醴泉出無源靈芝生無根塊然一頑石鼎峙空山尊

秋日田家雜興六首

田家及仲秋禾黍漸次熟巡行視阡陌新黃間殘綠今年幸有秋賴此雨水足窮黎正苦飢行且嘗新穀嚴霜況來晚籽粒催成續金風昨夜生寒先吹茅屋和泥塗

敗垣裝棉成秋服
草蛩語漸稀
塞雁賓來速
吾將役於田
早晚向寒谷

秋高百穀登
丁壯事刈穫
婦子起夜炊
雞啼亂屋角
飯罷早出門
露泫晨星落
刀聲響連畝
阡陌犬牙錯
歌呼聲相聞
息勞且休作
雜坐說禾稼
磨鎌聲霍霍
主人植杖來
歡言間笑謔
昏黃帶月歸
燈光上草閣

晚世風俗偷
安能無拾遺
露禾積在野
守望須相持
鄰村有老翁
訂以開車期
舍南豆未熟
尙待落爲其
稽粒齊登場
日夜鞭牛馳
人畜同苦辛
但望秋成時
秋成願已足
婚嫁胥相資
所期在溫飽
此外復何知

鄉俗秋收後鄰村約

訂以日始拉禾
稼謂之開車

小園春種蔬秋來作場圃殘秧無晚瓜荒草滋秋雨
斲穢平町畦用以打禾黍五更霜月寒碌碡聲亦苦日高
風正微揚秕貯之庾我庾多且盈願言賽田祖沽酒殺
雞豚閑約鄉鄰語父老喜不辭歡言醉樽俎鄉飲慶豐
年此風頗近古

野收無遺稼還望西山田蒼黃葉未凋猶餘數畝棉今
年較歉收夏受蟲災偏尙幸雨不缺晚桃綴枝圓霜遲
天氣晴花開白成團婦女日提筐拾向西山巔秋風日
日吹顏色慙不妍維時九月杪寒菜經霜鮮舍隅列以

蠶漬備三冬餐嗟哉田家婦職苦殊堪憐但免凍餒憂

安望衣羅紈

田家以晚菘微煮入蠶數日變酸謂之漬菜

秋風嚴且厲小兒無完衣頗類號寒蟲喚母啼相依載
糧入城市買布抱來歸縫衣熨兒體出與鄰兒嬉疎櫺
破無紙蠅凍不復飛新糊三面窗暖氣生朝暉家人聚
一廬不慮寒與飢但無催科至眠食皆安怡願作太平
民常此樂無違

秋夜對雨書感

木葉響颼颼孤燈對客愁西風一夜雨蕭瑟正殘秋世
亂無黃石年衰近白頭淒涼自多感誰解秣陵憂

秋眺

征鴻飛不見鳴入沈寥天寒樹遠依水秋山晴有煙漁
人時舉網農父早收田瑟瑟西風起孤吟落葉前

暮秋過山村

秋巖慘淡水潺湲行轉荒村路幾彎霜後葉黃猶戀樹
雨餘煙翠不離山稼登小圃如雲積門對寒溪盡日關
深谷不聞離亂事桃源依舊在人間

秋夜

天際月如鉤光微照挹婁星河一聲鴈城郭萬家秋戍
客無消息閨人動遠愁年華驚又暮戰伐幾時休

雪中荅家子循書

寒晝掩柴關更無人往還
滿天正風雪不見海州山
今作尺書寄知君開笑顏
也應遙憶我寂寞守田間

雪後野望

茫茫天地白不辨眾峯巒
日色向人澹雪光生野寒
遠村微見樹荒徑淺過灘
爲問尋詩客梅花何處看

冬暮道中

路轉黃昏西復東車聲猶白走隆隆
山川氣肅晴飛雪星斗光寒夜有風
低岸沙痕連草白遠村燈火隔林紅
前行何處尋投宿細辨人家隱約中

九梅村詩集卷十

十一

壬戌 同治元年

元日偶吟

浮生碌碌墮紅塵五十年華又一春
舊日親朋皆老輩幾時兒女忽成人
家無積粟猶充腹篋有編詩欲等身
八口但謀溫飽足閉門且作葛天民

瀋陽遇故人馬西岡秀才卽招酒市小飲

六年一離別不見馬虞臣居地隔南北
與君甘賤貧風從何處送情似舊時
親入市相招飲同忘老病身

與王石農

曜

友人耦耕賦詩紀事

租得閑田學耦耕居然沮溺隱中氓
但求畎畝安貧賤

不願 朝廷識姓名四體勤勞供歲賦兩家溫飽賴秋
成年豐從此兵戈息各免差徭苦吏征

任香海載酒邀桂香谷先生馨同紹興鮑如齋少

府慎之嘉興趙梅村上舍然永平陳靜軒孝廉

致中 吾鄉吳丈存仁自有與余小飲龍首山寺

感賦 並序

初香谷先生宰吾邑六年如齋爲其屬吏及香
谷被議罷官旋返都門貧苦不能自存未幾夫
人亦謝世老而無子顧影自傷庚申逆夷入寇
京師戒嚴遂挈其姬人走塞上益流離無所歸

年已七十有四矣於是隻身詣鐵嶺而昔年朋
舊大半凋喪會如齋亦以老病乞休久滯於此
其困與香谷等遂同僑寓於城中之古刹香海
舊係門下士哀其貧老頗伙助之暇日又具酒
相邀竝招諸君子陪飲余因誌感率成一篇

先生昔種甘棠樹樹未成陰人已去雙鳬飛去十七年
遭難還尋舊游處重來彷彿丁令威城郭猶是人民非
惟有參軍鮑明遠白頭相見猶依稀嗟乎黃梁一夢何
曾久無官仍向風塵走一樣天涯淪落人可憐兩箇龍
鍾叟任子意氣重師生爲公載酒攻愁城天風吹送到

龍首山靈呼與山僧迎先生到此感慨多舊地故人今
幾何認取當年雪鴻爪小松成樹頻摩挲飛觴我勸先
生酌人生到處須行樂隨時且作達觀人那管朝榮與
暮落聽歌對酒看山青老子有興須飛騰羣賢聯轡共
杯杓難得四海爲賓朋君不見世道紛紛屢變遷倏看
滄海爲桑田昔日承平今戰伐況乃富貴如雲煙又不
見黃河到海不復回青春易逝白髮催古人已往不可
見何必悲憤從中來先生聞言開笑口更勸先生酌大
斗先生帶醉語諸君舊令尹來今白首若非身經離亂
中何由再晤龍華友龍首山高麟水長且與諸君永日

相徜徉

柴河一名麒麟河

讀鄺湛若赤雅偶書

昔讀山海經物類駭奇異繼讀神異經荒渺驚人意今
乃讀赤雅怪誕亦紛誌始信天地大生物靡不備不必
悉睹聞乃謂有其事小儒逞管見往往疑且議目未窮
八荒履未出庭際枯守兔園冊瞳盲耳如蔽奇聞與異
書一切妄稱僞庸知大神禹鑄鼎象魑魅使人知神姦
倘逢亦不畏豈其古聖人亦復欺人志我雖非通儒頗
陋拘墟智葛洪枕中書任昉述異記翻閱每忘倦挑燈
癢清睡偶向老妻談掩耳驚走避可知世間人率皆婦

人類我愧老愈鈍有聞難強識所以著荒史載筆發幽思敢學蒲留仙痛灑靈均淚

與任丈著園偕游迎水寺遇孫莓溪先生對酒賞

雨

隨雲入山寺雲氣滿山中又到聽禪地忽逢避俗翁諸天散煙雨林壑青濛濛對此不能醉塵懷一洗空

雜述六首

野叟三百歲耳目寡見聞通儒雖少年胸中富典墳可知老混沌虛度人間春不如少聰達堪爲席上珍孔聖有至言味之誠津津一朝聞大道夕死非天身君子疾

無稱沒世慚凡民古來名不朽誰是孤陋人不聞田舍翁姓字傳紛紛不貴大壽考而貴能多文

上智與下愚賦性良不移智者慮有失愚亦有得時發言本天性而無穿鑿之道理在天壤人心具良知每聞鄉老談樸訥無支離偶合聖賢旨有匪夷所思小儒井底蛙聞之輒相嗤謂彼田野夫出語何堪師豈知率性言自勝拘文詞所以古聖王芻蕘詢不遺

里巷庸碌人往往多厚福才能治生產儼然富錢穀刻薄素逞能窮民爲魚肉權利較錙銖不問親疏族如何介行士落落超流俗終身困窶貧恆慮缺餽粥發言不

中聽潔行反爲辱不肯附炎勢獨守類槁木誰云管子
賢世豈有鮑叔天道終茫茫吾爲一痛哭

君子貴道義結契心相通小人重勢利把臂翻相攻世
人濫交游不論道不同當其執牛耳誓追管鮑風骨肉
託生死水乳無其融有無亦相濟意氣一何隆一旦睚
眦嫌冰炭輒橫胸翻雲且覆雨並世幾難容張耳與陳
餘隙末而凶終賢哉晏平仲千古殊堪宗

盜跖以壽終首陽竟餓死天道究無憑報施乃如此君
子道日消潛龍居井底小人道日長虺蛇生翼始當其
勢方熾人謀難勝矣何以蒼蒼天亦爲側目視豈待數

將盡雷霆震怒起善惡不立報人心壞不止朝廷有姦
惡竊權釀禍水草野有兇民橫行壓鄉里彼蒼豈不知
故縱猶未已我欲問冥冥畢竟此何理

太上有格言禍福人自招遇事苟能忍福至禍自消嘗
觀鹵莽夫忿氣發崇朝及陷縲紲中後悔焉能逃所以
小不忍大謀亂其操須知盛氣平煩惱無或遭聖賢貴
義氣悔吝終身拋不聞張公藝百忍何其高

讀項羽本紀

自刎烏江霸業亡猶能氣奪漢高皇莫將成敗論人物
千古英雄屬項王

高祖本紀

豁然大度善容人亭長微時志未伸試看入關成帝業
如何專愛殺功臣

淮陰侯傳

禍機種自請齊王可惜良弓鳥盡藏誤殺淮陰誰激憤
更無人說是張良

微時漂母飯王孫猶賜千金報德門無怪荊通言不用
始終心感漢王恩

中秋自遣

樽空還向老妻謀聽說無錢我亦愁典卻衣裳買瓜果

好隨兒女過中秋

山居秋日雜興

遁跡深山息遠游
閉門高作睡鄉侯
隨時風味都嘗遍
過了瓜秋過嶰秋

朝看黃蝶暮螢飛
風拂殘花露更稀
早晚天涼涼似水
要知催我贖秋衣

夕陽樹影滿街斜
尚有雞豚戀水涯
禾黍四圍村社熟
一般秋色在田家

田園俗事盡相忘
分付兒童自主張
一卷心經一杯茗
坐依秋樹老根旁

秋原晴眺

微雨放新晴秋高天氣迴出村上平原徑僻雜荒梗小溪清且淺魚苗見人警馬蹄踐水飛珠落暈圓影白雲高不移寥廓碧天靜征鴻從西來飛沒遠峯頂浩然發逸興高吟攬秋景妙趣愜幽懷會心人自領

暮秋卽事

蟲聲細無力猶向日高吟霜白曉寒重草黃秋氣深遠山晴尙翠獨樹老無陰最好看紅葉柴門對故岑

閑居遣興

陋巷無人叩野扉閑居自適息塵機游絲墮草因風斷

落葉辭柯帶雨飛兒輩習勤收早稼老妻怯冷製秋衣
邇來不聽干戈事頗覺清心蠶夢稀

自遣

兩鬢如絲漸覺衰天留傲骨獨支持書能讀盡生無恨
詩未編完死尙遲世故厭煩垂老日人情看變少年時
欲求韜晦無奇計除卻佯狂便作癡

除夕憶甘泉

去年過除夕共話草堂春今返故鄉路翻成千里人長
貧憐婦老人客到家新知有兒孫慰相依守歲親

癸亥

上元和蕉園韻二首

丈夫生不遇感慨羨雄飛
願我歲華暮殊令心事違
倦遊塵海路深掩故山扉
又值元宵節年年看月輝

晚年遇老友意興亦殊豪
煮酒春飛雪評詩夜續膏
山川孤月白星斗一天高
對此應同醉何須讀楚騷

鄰叟招飲彈琴作歌醉聽有感

主人愛客情相對勸飛觥
爲我歌一曲醉彈琴數聲
因思少年日聽唱琵琶行
轉眼風流歇蕭蕭白髮生

書懷

無志慕封侯端居念首邱
但無身世累不替子孫憂
八

市還屠狗歸田且飯牛兵戈猶未息更欲問滄洲

村居夕陰

炊煙橫翠微雞犬斂柴扉日暝有雲合風涼知雨稀田
家方苦旱野老轉憂饑仲夏苗猶缺南山補豆歸

野人

野人在畎畝耳不聽兵戈但事耕鋤種安知戰守和衣
冠賓客少婚嫁子孫多自謂承平世相安度日過

夏日山居卽事

五月始聞鶯幽人曳杖行柳煙村墅曉麥氣野田晴汲
井勤澆園居山嬾入城近來強寇少空谷不聞驚

夏日田家

早起飯牛去乘涼山麓耕地逢瓜夏雨天入麥秋晴燕
雀鬻茅舍雞豚伏豆棚辛勤老農父不解說勞生

客至

家藏無宿釀客至幾躊躇但向鄰翁借何須遠市沽剪
蔬供野饌炊黍下山厨不覺傾談久歡然盡一壺

懷張劍湖

萬里江湖闊難忘離別情涼風生浦樹暮雨過山城北
地猶多盜南方未息兵七年音信絕誰敢問前程

瀋陽道中早發

四更雞未鳴早喚僕夫行殘月在天白疎星臨水明野
橋通馬跡村店有人聲不是關山路何須問驛程

秋日書懷

仲秋寒氣至老樹葉先飛霜近雁聲早夜深蟲語稀故
人關塞迴烽火秣陵微猶有蕭騷感滄洲問釣磯

對秋山作

秋山如詩人骨瘦清且奇草木經霜鮮彷彿窮工詩天
然列屏幃口日當門窺我亦攬蒼翠對之生遐思昔年
客遠方與山輕別離但覺異鄉好不願山靈嗤今日卧
邱壑乃悔風塵馳看雲山之巔結茅山之厓煙霞沁肌

骨爽氣撲鬚眉相看日不厭心曠神亦怡長嘯發清音
空谷獨相知我年已垂暮良友各天涯不得永朝夕悵
惻徒興悲何幸對秋山悅我心與脾供養登大髦百年
長相期

烈婦吟

烈婦汪氏漢軍楊明妻也于歸十五年伉儷綦
篤翁姑早喪又無子女夫年三十四忽病不起
旋卒氏哭幾死迨七日夜間仰藥以殉邑人嘉
其節余賦詩以表彰之

男兒爲忠臣死不可奪志殺身以成仁浩氣塞天地女

子爲烈婦從一誓不二夫死以身殉從容就大義賢哉
楊明妻汪氏德無愧結褵十五年恩情篤伉儷貧不厭
糟糠貞吉主中饋方賦白頭吟忽灑青春淚誰知音調
乖中道裂琴瑟良人病不起溘然謝塵世婦乃枕尸哭
痛哭亦無濟上無舅姑存下無兒女累黃鵠歎孤飛失
雄何所寄不如作鴛鴦生死心同契夫倡婦乃隨黃泉
一路至世間未亡人以死爲難事甯守柏舟節不肯隨
夫壻豈知死節難守節亦不易何如歌女貞效彼漆室
意日昏月無光雲慘風冽厲比翼鳥哀號連理樹忽萎
空房鬼影來幢幢燈下避烈婦乃含笑心喜卽魂遲理

髮整衣裳仰藥從之逝壯哉此一行世道人心繫閭里
誇貞賢 朝廷旌節詣烈婦與忠臣千古原無異綱常
賴此人乾坤存正氣

雨夜與蕉園對酒言懷

風雨向黃昏山齋正掩門孤燈照破屋兩客對清樽老
境每多感秋懷不可論平生有衷曲不敢負人恩

山左亂後蕉園得家書

離亂棄桑麻頻年兵火加母存猶念子婦死已無家得
信天南雁思歸海上槎知君不可忍痛哭向天涯

書事

喪亂今已久澄清行見臨民方憂歲歉盜不畏官擒在
野有飢色出門多戒心平生徒有志且守故園林

山家

茅廬藏不見四面亂峯環水引門前路雲生屋後山雞
鳴枯樹下犬吠破籬間應有幽人住無營此閑關

除夕祭詩

笑學賈生例陳詩酹酒卮聊酬心血苦欲告鬼神知老
子興猶邁平生樂不疲明年問君處還有幾多詩

甲子

新正四日風雪大作有懷甘泉竝招蕉園小飲

不敢出門去滿天風雪飛客來新歲少書得故人稀年
老厭聞事春寒深閉扉自應招舊侶置酒話重幃

人日書感

上元值人日五十忽三年貧賤居人下兒孫慰目前著
書羞問世得壽且聽天努力謀溫飽全依數畝田

病夜自遣

伏枕不能寐終宵嗽不休病因垂老至身或被窮留故
友皆黃髮山妻漸白頭偶思少年日無復舊風流

登香龍山至絕頂

僂僂上岩麓乘風策杖藜天疑看去近山覺到來低泉

響后邊出鳥飛雲際啼舉頭望絕頂小憩更攀躋

一徑達天門蒼蒼手可捫

絕頂極險處謂之南天門

已看眾山小獨

讓此峯尊地濶收遼海天清見省垣

距省一百三十餘里

昌黎倘

至此應亦駭吟魂

游滴水洞四首

洞在撫順界

不知行遠近踏過數層峯到嶺樹方見入山人未逢初

來尋勝蹟何處聽疎鐘隱隱聞仙犬徘徊雲外蹤

春風八片谷吹徧山花開天地此間別風塵無客來忽

然見古洞彷彿到天台似得桃源路成仙又一回

撥雲探洞口雲散洞天深石穴千年乳洽洽滴到今冥

濛藏太古寒氣積陰森聞有燒丹士長年此陸沉有毛道士
焚修其中
石坑猶存

菩提一點水飲之得長生酌此華泉液能消塵俗情道
人有仙骨我亦謝浮名擬借茅庵卧煙霞養氣清